



Aningaasaqarnermut Naalakkersuisoqarfik
-/ Maani

Inuussutissarsiornermut, Suliffeqarnermut, Niuernermit Nunanullu Allanut Naalakkersuisup 2015-II-mut Aningaasanut Inatsisissatut Siunnersuummi suliaqarfik 64-imut tunngatillugu Aningaasaqarnermut ataatsimiititaliap apeqqutaanut akissutai.

Suliap nr.
Dok. Nr.

Postboks 1601
3900 Nuuk
Oqarasuaat (+299) 34 50 00
Fax (+299) 34 63 64
E-mail: isiin@nanoq.gl
www.nanoq.gl

Matumuuna Inuussutissarsiornermut, Suliffeqarnermut, Niuernermit Nunanullu Allanut Naalakkersuisup 2015-II-mut Aningaasanut Inatsisissatut Siunnersuummi suliaqarfik 64-imut tunngatillugu Aningaasaqarnermut ataatsimiititaliap aallaqqaasiullugu apeqqutaanut oqaaseqaataanullu akissutai nassiuneqarput.

2.6. Kontomut pingaarnermut 64.10.25-mut Suliniutit angisuut

- a) *Oqaasertaliussaq nr. 1 naapertorlugu aningaasat uninngasuutit kingusinnerpaamik 31/12 2018-imi nunatta karsianut utertinneqassasut Naalakkersuisut siunnersuutigigaat ataatsimiititaliamit maluginiarneqarpoq. 2014-imi aningaasanut inatsimmi ulloq taaneqartog tassavoq 31/12 2017. Kontomut pingaarnermut 2015-imi aningaasanik allanik annertunerusumik immikkoortitsisoqannginnera eqqarsaatigalugu tamanna ima paasineqarsinnaava suliat ingerlanneqartut ukiumik ataatsimik kinguartooqqasut?*

Akissut: Aluminiumik aatsitsiviliornissamik suliniutip naammassi-neqarnissaanut periarfissat maanna sulii erseqqissumik qulaajarneqanngillat. Naalakkersuisut sulissutigaaat piffissap ungasinngitsup iluani erseqqissumik taamatut paasisaqarnissap anguneqarnissaa. Aningaasat immikkoortitat misissueqqaarnissanut nunatta karsiata aningaasaliissutissaannut atorneqassapput. Taamaammatt suliniutip piviusunngortinneqarsinnaanera erseqqissumik paasineqartinnagu aningaasat nunatta karsianut utertinneqarnissaat siunertamut naapertuutis-sanngilaq.

3.6. Immikkoortoq 3, Aningaasaqarnikkut inissisimaneq, qupp. 91

- a) *Qupp. 91-ip qeqqani oqaaseqatigiinni kingullermi allassimavoq 2008-2014-imi aningaasaqarnermi kisitsisinut pingaarnermut takussutissiami kisitsisit takutikkaat suliffissaaleqisut ukiumut agguaqatigiissillugit 2010-mit 2014-imut inunnik 1.000-it missaannik amerlisimasut. Taamatulli oqarneq takussutissiami siuliani allassimasumut akerliisorinarpoq, tassani erseqqinnerusumik allassimalluni qaffariaat ukiumut ataasiakkaanut atuunnani piffissamut tamarmut atuuttoq?*

Akissut: Takussutissiap takutippaa, piffissami pineqartumi tamarmi inunnik 1.000-it missaannik amerleriartoqarsimasoq.

Takussutissiatigut takutinneqarpoq suliffissaaleqisut sulileriaannaasutut sulileriaannaangitsutullu nalunaarsorneqarsimasut. Ukiut kingulliit amerleriangaatsiarsimapput, naatsorsuutigineqarporli 2014-imi inaaru-taasumik naatsorsuineq takkuppak ikileriassasut imaluunniit ikilerialaasasut, tassani piginnaangorsaaqqiinnermik ilinniartitsinermillu siunertaqarluni, pingaartumik inuusuttunut 29-t inorlugit ukiulinnut siunnerfeqartut suliassaqartitsiniutit annertuut pissutigalugit kiisalu aalisakkanut pisassiissutit iluarsineqarnerat pissutigalugu.

2015-imit Naatsorsueqqissaartarfiup naatsorsuisimaneq nutaaq ILO-p malittarisanut naapertuuttoq saqqummersissavaa, taassuma taamaallaat imarissavai suliffissaaleqisut qaammat ataaseq sinnerlugu suliffissaaleqisuusut. Tassani Kalaallit Nunaanni sulisinnaasut qasserpiaanersut erseqqinnerusumik takutinneqassaaq.

3.7. *Immikkoortoq 3, Aningaasaqarnikkut inissisimaneq, qupp. 92*

Suliffissaaleqisut ikilisinneqarnissaat siunertaralugu iluarsaassinnermi sanaartornermilu suliassat siuartinneqarneri pillugit ilassutitut aningaasaliissuteqarnissaq pillugu suliaq ataatsimiititaliamit akuerineqartoq qupperneq 92-imi taaneqarpoq (IA suliaq nr.14 662). Aningaasaliissutit tamakkerlugit atorneqarsinnaasimanersut paasissutissiissutigineqassasoq ataatsimiititaliamit kissaatigineqarpoq?

Akissut: Ineqarnermut, suliffeqarnermut, ilinniartitaanermut, umiarsualiveqarnermut timmisartoqarfeqarnermullu, peqqissutsimut, inunnik isumaginninnermut avatangiisinullu tunngassuteqartut iluini suliassaqarfinni aalajangersimasuni immikkut ittumik sanaartornissamut nutarterinissamullu suliniutit katillugit 174,2 mio. kr.-mik nalillit suliarineqarput. Naalakkersuisut aamma ilisimatitsisutigissavaat suliniutit tamarmik naammassiortorneqarnerat ilutigalugu 2015-ip naanerani aningaasaliissutit tamarmik atorneqarsimassasut.

Marts 2015-imi aningaasaliissutinit tamarmiusunit 174,2 mio. kr.-usunit 57 mio. kr.-ngajalluinnaat atorneqarsimapput. Atuineq ukioq naallugu suliffissanik 57-inik aallartitsinermut naapertuuppoq.

Aningaasaliissutit atuinerlu takussutissiami ataaniittumi saqqummiunneqarput:

Suliassap allaasari-neqamera	Summiiffik	2014/2015 (Aningaasaliissutit mio.kr.)	Ulloq 1. marts 2015 aningaasaliissutinit atulekat
INISSIAT, inissianik nutarterineq	Nuuk, Qaqortoq, Tasiilaq, Maniitsoq, Kullorsuaq, Innaarsuit, Niaqornaarsuk, Iginniarfik	64,0	20,0
SULIFFEQARFIK	Ilulissani AMK-p allilernerqamera	1,0	0,0
UMIARSUALIVIIT	Ikamiut, Kitsissuarsuit, Kullorsuaq	8,8	2,7
MITTARFIIT	Kangerlussuaq, Narsarsuaq, Kulusuk	17,3	17,4
PEQQISSUSEQ	Nuna tamakkerlugu	12,7	7,9
AVATANGIISIT	Nuna tamakkerlugu	44,5	6,0

ISUMAGINNITTOQAR- FIK	Sisimiut, Nuuk, Qaqortoq, Ilulissat	5,9	3,0
ILINNIARTITAANEQ	Nuuk, Paamiut	5,0	0,0
Nuna tamakkerlugu aser- fallatsaaliuineq/oqummik akiuineq	Nuna tamaat (qinnuteqaatit pissarsia- rineqartut aallaavigalugit INI-p il- luutai)	15,0	0,0
Katillugit		174,2	57,0

Suliat kommuninut ataasiakkaanut agguarlugit:

Kommune	2014/2015 (Anin- gaasaliissutit mio. kr.)	Ulloq 1. marts 2015 aningaasaliis- sutinit atulekat
Kommune Kujalleq:	28,5	12,0
Kommuneqarfik ser- mersooq.	44,3	15,0
Qeqqata Kommunia:	28,3	20,0
Qaasuitsup Kommu- nia:	58,2	10,0
Katillugit	159,3	57,0

Takussutissiamut kommuninut agguarneqarsimasumut ilanngunneqassaaq katillugit 15 mio. kr.-nik nalilimmik INI-p illuutaanni pingaartumik oqummik akiuiniarluni nuna tamakkerlugu suliniuteqarneq.

Suliniutit ataasiakkaat marts 2015-imi takussutissartaat ilanngussatut ilanngun-
neqarpoq.

3.17. Immikkoortoq 6, Naalackersuisut salliutitaat, qupp. 102

Umiarsuarnut takornariartaatinut akitsuutigitinneqartumik appaanissamut ata-
tillugu ilaatigut konto pingaarnermut 64.10.17-imut, Nunami inuussutissarsi-
utinut takornariartitsinermullu tapiissutinut tunngasumut, aningaasaliissutit
eqqumiitsuliernerup misigisassarsiortarnerullu ineriartortinneqarnissaannut
1,6 mio. kr.-nik ikilineqassasut quppernermi 104-mi taaneqarpoq.

- a) Taartitut sipaaruteqartoqalenera eqqarsaatigalugu umiarsuarnut ta-
kornariartaatinut akitsuutip appartinneqarnera takornariartitsinermi
isertitanut, taamaalillunilu nunatta karsianut pitsaasumik sunniuteqas-
samngitsutut Naalackersuisunit isigineqarpa?

Akissut: Sipaarutissatut siunnersuutaasoq umiarsuarnut takornari-
artaatinut akitsuutip appartinneqarnissaanut aningaasaliissutit ilagaat;
Naalackersuisulli naatsorsuutigaat ukiut marluk - pingasut qaangiuppata

umiarsuit takornariartaatit tikittartut amerlissasut, taamaalilluni Kalaallit Nunaat isertitaqarneruleriartussaaq, taakkuli nalinginnaasumik akileraarutitigut isertitatut nunatta karsiani takuneqarsinnaassapput.

- b) *Takornariartitsinermik ingerlatsinermik siuarsaanissaq Naalakkersuisunit siunertarineqarpat takornariartitsinermik ineriartortitsinissamut aningaasat immikkoortinneqartut ikilineqarnerat imminnut assortuututut ataatsimiittitaliamit isigineqarpoq?*

Akissut: Akitsuummik appaaneq aamma takornariartitsinermik siuarsaaneruvoq maannamut naleqqiullugu tamakkiinerusutut isigineqartussaq. Takornariaqartitsinermut atugassarititaasut tamarmiusut pitsanngorsaaffigineqassapput, Kalaallit Nunaannik nittarsaassinissaq kisimi naammangilaq, aamma inuussutissarsiummut pitsaasumik pile-rinartumillu atugassaqartitsinissaq aningaasaliiffigineqassaq.

6.23 Konto pingaarneq 24.11.20 Akitsuutit, akiliilluni piniarneq aalisarnerlu

- a) *Akiliilluni piniarneq aalisarnerlu Naalakkersuisut takornariartitsinermut periusissaanni qanoq inissisimappat?*

Akissut: Takornariaqarnermik ingerlatsinissamut akuersissuteqartarneq pillugu inatsit takornariartitsinermi inuussutissarsiuteqartut ilaatigut akiliilluni piniartitsinikkut aalisartitsinikkullu isertitaqarluarnissaannut sakuuvoq pingaarutilik.

Naalakkersuisut isumaqarput suliagarfimmit tassani isertitaqarnerunissamut ilippaateqarluartoq maannakkorpiaq tamakkiisumik atorneqanngitsunik. Taamaammat takornariaqarnermik ingerlatsinissamut akuersissuteqartarneq Naalakkersuisut takornariartitsinermik siuarsaanarlutik periusissiaanni tamarmiusumi pingaarutilittut inissisimavoq. Naalakkersuisut isumaqarput takornariaqartitsinermik inerisaanermut aningaasaliissuteqarnissamik qulakkeerinninniarluni akuersissuteqartarnermi periarfissat atorneqarnissaat siunertamut naapertuuttoq, tassa aningaasaliissuteqartoqanngippat tamanna naammassineqarsinnaannginnami. Annertusaaneq kommunit ataasiakkaat suleqatigalugit ingerlanneqarpoq. Anguniagaavoq najukkani takornariartitsisartut pitsaanerusumik isertitaqarnissaat aamma inuussutissarsiummi suliassaqartitsinerulernissaq.

12. Suliassaqarfik 62-64 – Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq

12.1. Konto pingaarneq 64.01.01 Inuussutissarsiornermut, Suliffeqarnermut Niuernermullu Naalakkersuisoqarfik

Ilaatigut aatsitassarsiornermi suliassaqarfimmi suliniutit aalajangersimasut arlallit pingaarnertigullu pilersaarusiortarneq, tamatumalu saniatigut ilaatigut aatsitassarsiornermut tunngatillugu atugassarititaasut misissoqqissaarneqartarnerat Naalakkersuisoqarfup isumagisarigai missingersuutinut ilanngussami allassimavoq.

- a) *Suliassat aatsitassarsiornermut tunngasut Naalakkersuisoqarfimmit qanoq annertutigisumik suli ingerlanneqarpat?*

Akissut: November 2014-imi qinersisoqareernerata kingorna oqartussaaffinnik agguaanermut ilassutitut isumaqatigiissutigineqarpoq aatsitassarsiornermut tunngasut pillugit suliassaqrarfiit agguanneqassasut. Aatsitassarsiornermi suliassat, avatangiisinut tunngasut saniatigut, Aatsitassat pillugit Avatangiisinut Aqutsisoqarfiup isumagisartagai Aatsitassanut Naalackersuisoqarfiup/Aatsitassanut Aqutsisoqarfiup aamma Inuussutissarsiornermut, Suliffeqarnermut Niuernermullu Naalackersuisoqarfiup akornanni avinneqarput. Kingullertut taaneqartup suliffeqarnikkut pissutsinut inuiaqatigiillu aningaasarsiornerrannut tunngasuteqartut akisussaaffigai, taakkununnga ilanngullugit najukkami sularinninnissamut piumasagaatit, Inuiaqatigiinni Piujuartitsinissamik Nalilersuineq pillugu nalunaarusiortarnissamik piumasagaatit (VSB-mik nalunaarusiaq) aamma Impact Benefit Agreement (IBA) pillugu suleqatigiinnissamik isumaqatigiissutit. Akisussaaffittut suliqaarfiup aamma suliassaqrarfinnut taakkununnga tunngatillugit suliniutit, piumasagaatit tunngaviusut, misissueqqissaarnerit assigisaallu isumagisarpai.

- b) *Naalackersuisoqarfiup suliassaqrarfiani, tassa kontomi pingaarnermi matumaniinnaangitsoq, 2013-imi, 2014-imi aammalu 2015-imi Danmarkimi eqqartuussissuserisunut aningaasat qanoq amerlatigisut ator-neqarpat?*

Akissut: Naalackersuisoqarfiup suliassaqrarfiaata iluani Danmarkimi eqqartuussissuserisunut aningaasartuutit naatsorsorneqarnerat takussutissiami ataaniittumi takuneqarsinnaapput:

	2013	2014	2015
Katillugit	3.783.809,27	2.145.900,00	0,00

12.2 *Konto pingaarneq 64.01.04 Piginnaasanik ineriartortitsiviusumik pikkorissarnerit*

- a) *Konto pingaarnep tamatuma atorneqarnera nalilersorneqartarpa – pingaartumik inuit pilersorneqarnermit suliffeqalersinnissaat eqqarsaatigalugu?*

Akissut: 2012-imi, 2013-imi aamma 2014-imi Inuussutissarsiornermut, Suliffeqarnermut Niuernermullu Naalackersuisoqarfiup sulisunut ilinniagaqanngitsunut naalackersuisoqarfiup piginnaasanik ineriartortitsilluni pikkorissaanerata, konto pingaarnep 61.01.04-p ataani PKU-mik pikkorissartitsinertut taaneqartartoq, nalilersorluarneqarnera naammassivaa.

Nalilersuineri siullertut pineqarput 2007-2011-mi pikkorissartut, nalilersuinerullu inernerisa nassataannik nalunaarusiat Ilinniagaqarsimannngitsunut Piginnaanngorsaaqqinneq, Nalilersuineq 2007-2011 (oktober 2012) aamma Ilinniagaqarsimannngitsunut Piginnaanngorsaaqqinneq, Nalilersuineq 2007-2011, aappasaanik saqqummiussineq (maj 2013) saqqummiunneqarput kiisalu oktober 2012-imi Nuummi ataatsimeersuartoqarluni, tassani peqataasorpasuit siunissami suliffeqarfissat inerisarneqarmissaat oqaluuserivaat.

Aamma pikkorissaanerit innuttaasullu amerlassutsimikkut, katitigaa-nermikkut agguataarnermikkullu allanngoriartornerat pillugu kisitsisiti-gut paasissutissat, taakkununga ilanngullugit pikkorissartut allamut nuuttarnerat, akigititaasa nalingi, isertitaasa paasissutissartaat suliffis-saaleqisullu amerlassusaat pillugit 2013-imi kisitsisaasut aallaavigalugit PKU-mi sammineqartut 2014-imi nalilersoqqinneqarput. Pingaartumik suliffissaaleqisut amerlassusaasa takutippaat, PKU-mik pikkorissartitsi-nermi suliffissaaleqisut pikkorissartut pikkorissareernermi suliffis-saaleqisutut sulii naqitsisartut qassiunersut. Suliffissaaleqisutut na-qitsisartut amerlassusaasa pikkorissaanermi suliffissaaleqisut pikkoris-sartut amerlassusaannut sanilliussinerup erseqqissumik takutippaa, pik-korissaanermi pikkorissaasoqareernermilu pisortat ikiorsiissutaannik pisariaqartitsisut qanoq amerlassuseqarnerisut.

PKU-mik nalilersuinerup ilaatigut takutippaa pikkorissartut 262-it pik-korissarnerup nalaani suliffissaaleqisuusut aamma pikkorissartut 173-it marts 2014-imi suliffissaaleqisutut naqitsisimasut. Tassa pikkorissartut 34 %-iiniq ikinnerusut pikkorissarnermut peqataanerminnut sanil-liullugu marts 2014-imi pisortat ikiorsiissutaannik pisariaqartitsisimap-put (najoqqutarisag PKU-mik nalilersuineq november 2014, ukiumoo-rtumik kisitsisiti-gut paasissutissat 2013).

Nalilersuisarnerit PKU-mik pikkorissartitsisarnerit ineriartortinneqarne-risa pitsanngorsaaffigineqarnissaannut pingaarutilittut sakkuupput, tassa suliffeqarfinnut inuussutissarsiutillu pisariaqartitaannut tunngatillugit pikkorissaasarnerit tamatigut piffissamut atuuttumut naapertuuttuartin-niarlugit.

Taamatut iliortarnikkut, suliniutit uppernarsaateqartuartinneqarnissaasa saniatigut, inuiaqatigiinni akit nikerarnerannut taakkunungalu atatil-lugu sulisussatigut inuussutissarsiuteqarnermilu pisariaqartitat allanngo-rarnerannut tunngatillugit tamatigut suliaqarnissamut piareersimasoqar-tassaaq.

- b) *Pikkorissartitsinissamik neqeroortigineqartartut ilusaannut ima-risaannullu akulerunnissamut Naalakkersuisut qanoq periarfissaqar-pat?*

Akissut: PKU-mik pikkorissartitsinissat Inuussutissarsiutinik ilinniartit-sinerit aamma inuussutissarsiutinik ilinniartitsinerit ataani pikkorissaa-nerit pillugit Inatsisartut inatsisaat nr. 10, 19. maj 2010-meersoq naaper-torlugu neqeroortigineqartarput. PKU-mik pikkorissartitsinerit Inatsisartut inatsisaanni "anigaasanut inatsisit akiligaannik pikko-rissaanerit" taaneqartartut pillugit kapitali 9-mi nalinginnaasumik tunngaviit malillugit pisarput. Tassa Inatsisartut tassaapput aalajan-giisussat inuutissarsiutinik ilinniartitsinermut tunngasutigut pikko-rissaanissatut neqeroortigineqartut pissasut anigaasanut inatsimmi anigaasat immikkoortinneqartut tunngavigalugit.

Inatsisartut inatsisaanni nr. 10/2010-mi §61-62 naapertorlugit PKU-mik pikkorissaanerit imatut aqqitaapput;

◦Inatsisartut aalajangersarsinnaavaat pikkorissaanissat qanoq amerlatiginissaat

◦Naalakkersuisut aalajangersarsinnaavaat pikkorissaanissap sumut sammitinneqarnissaat

◦Naalakkersuisut aalajangersarsinnaavaat pikkorissaanissamut maleru-aqqusat

PKU-mik pikkorissartitsisarnerit pineqartut aningaasanut inatsimmut ilaatinneqarput, tassani suliffeqarnermik ilinniartitaanermillu ingerlatsinerit eqqarsaatigalugit pikkorissaanerit pineqartut siunertamut naapertuuttut isigineqarnerat pissutigalugu.

12.3 *Konto pingaarneq 64.01.05 Nunaqarfinni isorliunerusunilu inuussutisarsiornermi suliffeqarnermilu ineriartortitsineq*

a) *Aningaasaliissutit ikilineqarnerat sumik pissuteqarpa?*

Akissut: Suliffissaaleqisunut immikkut ittumik iliuuseqarneq pillugu konto pingaarnermut 64.13.25-mut ukiumut 20 mio. kr.-nik AIS 2014-imi aningaasaliissutissatut immikkoortitsineq aningaasalersueqataaffiginarlugu AIS 2014-imut aningaasaliissutit ikilisinneqarput.

b) *Assersuutigalugu missingersuusiortarnermut malittarisassani 2008-meersuni najoqqutassat allassimasut naapertorlugit ingerlatsinerimut aningaasaliissutinut matumani pineqartumut atatillugu suliassamut kisitsisit missingersuutinut ilanngussamut ilanngunneqarsinnaappat?*

Akissut: Konto pingaarnertup matuma atuuttussanngortinneqarnera kommunit suleqatigilluinnarlugit pimmat, tassani pingaarnertut anguniagaalluni inuussutissarsiutinik ineriartortitsinerimut atugassarititaasut pitsanngorsaaffigineqarnissaat, suliassamut kisitsisit missingersuutinut ilanngussamut ilanngunneqarnissaat siunertamut naapertuutinnngilaq.

c) *Kommunit missingersuutaanni siunertamut aningaasanik pingaarnersuisoqarumaartoq Naalakkersuisut naatsorsuutigigaat missingersuutinut ilanngussami allassimavoq. Tamanna siuarsarniarlugu Namminersolutik Oqartussat kommunillu akornanni qanoq qanitsigisumik suleqatigiittoqarpa?*

Akissut: Atuuttussanngortitsinerimut atatillugu kommunit toqqaanartumik aningaasalersueqataanissaannut piunasqaateqartoqanngilaq. Suliniutilli kommunit namminneq periusissiaannut aamma suliniutaannut aallartinneqareersimasunut kommunillu tungaannit salliutinneqarunnaarsimasunut ikorfartuutaanissaat qulakkeerniarlugu naalakkersuisoqarfiup kommunillu ataasiakkaat akornanni qanimut oqaloqatigiittoqarpoq.

d) *Pilersaarutininut iliuusissanullu pisortat ingerlatanut tapiissuteqarunnareernerisa kingorna aamma piusinnaassuseqartunut aningaasanik atuinissaq siunertarlugu konto pingaarnermi matumani atuneq naliliiffigineqartarpa.*

Akissut: Konto pingaarnermi matumani pingaarnertut siunertaavoq inuussutissarsiutinik ineriartortitsinissamut atugassarititaasut

pitsanngorsaaffigineqarnissaat. Pilersaarutit attanneqarsinnaasut sal-
liutinneqarnissaat siunertaralugu pilersaarutit ataasiakkaat pillugit
kommunit naalakkersuisoqarfillu ingerlaavartumik oqaloqatigiittarput.

12.4 Konto pingaarneq 64.10.17 Nunami inuussutissarsiutinut takornariarti-
tsinermullu tapiissutit

- a) *Aningaasaliissutit matumani pineqartut ilaat konto pingaarneq 50.01.18
aqqutigalugu Arctic Green Foodip nunaqarfinni tunisassiorfiinut ta-
piissutit siusinnerusukkut atorineqartarput. Nunaqarfimmi tunisassi-
orfiit taakku Naalakkersuisunit qanoq naatsorsuuteqarfigineqarpat
aammalu taakku killiffiat qanoq ippa?*

Akissut: Nunaqarfinni tunisassiorfiit sulisoqarnikkut najukkanilu aali-
sartoqarnikkut suliffissaqartitsilluarnissamut ikorfartuutaanissaat ilima-
gineqarpoq. Nunaqarfinni tunisassiorfiit namminersortunit assigiinn-
gitsunit pigineqarput, taamaammallu killiffiannut tunngatillugu piginnit-
tut saaffigeqquneqarput.

- b) *Neqi A/S-ip tapiissuteqarfigineqarani aningaasaqarnikkut nammineq
ingerlasinnaalernissaa suliassamut kisitsisit ataanni ukiuni missin-
gersuusiorfinni 0 kr.-mik missingersuuteqarnermut tunngaviusoq ilima-
gissallugu eqqorpa?*

Akissut: Toqoraavimmud Neqi A/S-imut kiffartuussinissamik isu-
maqatigiissut atuuttoq 2015-ip naanerani atorunnaassaaq. Kiffartuussi-
nissamik isumaqatigiissut maanna atuuttoq toqoraaviup annertuumik nu-
tarterneqarnissaanut ilaatillugu isumaqatigiissutigineqarpoq – taamanilu
nalilerneqarpoq kiffartuussinissamik isumaqatigiissutip atorunnaareer-
nerani toqoraavik ingerlatsinissamut pisortanit tapiiffigineqarnissamik
pisariaqartitsiunnaassasoq.

Nalunartut pillugit erseqqissaatigineqassaaq savaatilinnut tunngatillugu
tunisnermi akinut tapiissutit – konto pingaarneq 51.03.02 – attorneqas-
sangimmat, aamma 2015-imut ukiunullu missingersuusiorfiusunut
aningaasanut inatsisissatut siunnersuummi 6.998.000 kr.-nik aamma
7.071.000 kr.-nik aningaasaliissuteqartoqarpoq.

Ilanngullugu erseqqissaatigineqassaaq, KNI A/S-ip, Neqi A/S-imik
piginnittup, nalunaarutigimmagu KNI-p naliliinera malillugu suliffeqar-
fik ukiuni aggersuni ingerlatsinissamut pisortat tapiissutaannik pisari-
aqartitsissasoq.

- c) *Puisinniarnermut tunngasumi Inuit immikkut atugassaqartinneqar-
neranni allannguinnissamik EU-p ilimasaarinera qanoq kinguneqartus-
satut Naalakkersuisunit naatsorsuutigineqarpa?*

Akissut: Puisinniarnermut tunngatillugu inuit immikkut atugassaqartin-
neqarneranni allannguinnissamik EU-p ilimasaarutaa qularnangitsumik
niuerfimmi tassani tunisaqartarnissamut allanik unammillernartoqartitsi-
lissaaq. Annilaanngatigineqarpoq allannguutissatut siunnersuutigi-
neqartut nassataannik ingerlatsivik, puisinik tunisassiorarneq il. il.
aamma piniartut immikkut allaffissornermi suliassaqangaatsialissasut,

taamalu inuiaqatigiinni aningaasaqarnikkut soqutigisavut pitsaanngitsumik sunnerneqarlutik.

- d) *Eqqumiitsuliornermut misigisassarsiortarnermullu immikkut tapiisuteqartarunnaarneq qanoq kingunearpa?*

Akissut: Naatsorsuutigisariaqarpoq Visit Greenlandip sammisassaqartitsisarnera eqqumiitsuliornermik misigisassarsiortitsisarnermillu siuarsaanermut immikkut sammitinneqartut atorunnaarnissaat . Inuussutissarsiutit pineqartut suli Visit Greenlandip nalinginnaasumik sammisassaqartitsisarnerani atorneqartarsinnaapput.

- e) *Naak savaaqqat AI2014-imut sanilliullugu amerleriaraluartut savaaqqat toqorakkat tonsiisa ikileriarnat qanoq nassuiaatissartaqarpa?*

Akissut: Savaaqqat toqoraneqartartut oqimaassutsillu tamarmiusut savaaqqamut ataatsimut 14½ kg.-nit 16½ kg.-nut nikeralaartuannarsimapput. Kisitsisit taaneqartut taamaammatt savaaqqap ataatsip 15 kg.-nik oqimaassuseqarneranut missiliussaannaapput.

- f) *Amminek isumaginninneq pillugu siunnerfilersugaasumik siunnersuinerup, paasisitsiniaanerup paasisutissiisarnerullu nunaqarfinnut isorliu nerusunullu anngunnissaa pillugu qanoq iliortoqartarpa?*

Akissut: Great Greenland qitiusutut marlunnik tunitsiveqarpoq, Upernavik aamma Tasiilaq. Ulluinnarni aqutsisut nunaqarfinnukartarput amernik isumaginninnissamut ilisimatitsiartorlutik / ilinniartitsiartorlutik. Great Greenland tunisinermi immikkut ittumik malittarisassalior-simavoq piniartunit tunisisartunillu malinneqartussamik.

Great Greenlandip tunisisartut oqarasuaatikkut oqaloqatiguarpai, aamma tunisisartut nutaat qitiusumik tunitsivinni pineqartuni pikkoris-sarnissaannut neqeroorfigineqartarput.

Ammit pitsaassusaannut tunngatillugu maanna misilittagaasut aallaavigalugit KNAPK-mut attaveqareernermi / isumaqatiginninniareernermi tunisinermi malittarisassaq ukiumoortumik naleqqussarneqartarpoq.

Great Greenland Kalaallit Nunaanni tamarmiusumi 48-nik tunisisartoqarpoq. Ammip pitsaassusaa / suliarineqarnissaa pillugu allannguuteqartoqassappat / allannguuteqartoqarpat tunisisartut ilisimatinneqarnissaat suliffiup isumagisarpaa.

12.6 Konto pingaarneq 64.10.22 Kalaallit Nunaaniit imermik nilannillu avammut tuniniaaneq

- a) *Kontomi pingaarnermi matumani Naalackersuisut suna anguniarpaat?*

Akissut: Konto pingaarnermi matumani anguniagaavoq nilaat imiullu inuussutissarsiutit imminut napatittut niuerutigineqarsinnaangorlugu inerisarnerani ineriartortitassat suliffissaqarnikkullu periarfissat qulaajarneqarnissaat. Taamatuttaaq anguniagaavoq Kalaallit Nunaata nilannik imermillu avammut niuersinnaasut akuerisaanissaa.

- b) *Imermik nilammillu tunisassiornerup iluani suliniutit ingerlasut qassiuppat?*

Akissut: Maannakkorpiaq nalunaarutigineqarpoq nilammik imermillu avammut niueruteqarnissamut misissueqqaarnissamut akuersissutit sisamat aamma atuinissamut akuersissutit sisamat tunniunneqarsimasut.

- c) *Royaltymik aaqgissuussinerup sunniutaa Naalackersuisunit qanoq nalilerneqarpa?*

Akissut: Royalty maanna atuuttoq liiterimut 10 øremik angisuseqarpoq. Ukiut marlussuit matuma siorna liiterimut 50 øreusumit appartinneqarpoq taamatut. Naalackersuisut ilisimanngilaat nunani allani imermik avammut niueruteqarnermi akitsuutininik immikkut ittunik akileeqquisoqartarnersoq. Taamaammatt uagut royalty atugarput allanut sanilliullugu misissorneqarsinnaasimanngilaq. Naalackersuisut isumaqarput royaltyp maanna liiterimut 10 øremik annertussuseqarnera ingerlatseqatigiiffiit nilammik imermillu avammut niuerneramik aallartitsiniarnerat eqqarsaatigalugu isumatusaarnerusoq.

12.7 Konto pingaarneq 64.10.25 Suliniutit angisuut

- a) *Naalackersuisut paasissutissiippat 2015 aallarnerfigalugu kontop siunertaa allanngortinneqassasoq, tassalu suliniutit angisuut allat aamma ineriartortinneqarnerannut ikorfartuutaasussamik konto taamaallaat aluminiumik aatsitsiviliornissamik suliniummut attuumatilerlugu. Tamanna itisilerneqassasoq ataatsimiititaliamit kissaatigineqarpoq.*

Akissut: Allanguinerup takutippaa maannakkut suliffissuaqarnermi aatsitassarsiornermilu suliniutinik suliaqarnissamut aningaasanik immikkoortitsisoqarnissaa pisariaqartinneqartoq. Naalackersuisoqarfiup inuiaqatigiit aningaasaqarnerannut attuumassuteqartut aamma IBA-mik isumaqatigiissutit isumagisarai. Suliassat marluullutik annertupput aningaasartuuteqarfiussallutillu.

- b) *Greenland Development A/S (aluminiumik suliniummik taamaallaat suliaqartinneqartoq) atorunnaarsinneqarmat eqqaamasat malillugit ukiuumut aningaasat 6 mio. kr.-it missaat GD-mit suliassaqarfiup matuma ataani kontonut pingaarnernut nuunneqarput. Ukiuni kingullerni takusinnaasat malillugit aluminiumik suliniut suli ingerlariaqqissimanngitsoq aningaasat sumut atorneqarsimappat?*

Akissut: Aningaasat pineqartut aluminiumik suliniummik suliap ingerlanneqarnerata saniatigut suliniutinut angisuunut allanut aamma aatsitassarsiornermut tunngatillugu atugassarititatut tunngaviusut nalinginnaasut inerisarneqarnerannut atorneqarput. Ilaatigut saviminisiorfissatut suliniutip IBA-mut tunngasortai pillugit sivisuumik isumaqatiginninniartoqarpoq, soorlu uuliasiornissamut aatsitassarsiornermi periusisiap sularineqarneranut atatillugu aatsitassarsiornermi suliaqarfiit tamakkerlugit akileraarusersueriaatsit inerisarneqartut.

- c) *Alcoamik suliniut piviusunngortinneqassasoq Naalackersuisut suli naatsorsuutigalugulu neriutigaat?*

Akissut: Naalackersuisut anguniarpaat aluminiuminik suliniutip piviusunngortinneqarnissaa. Maannakkorpiaq nunarsuarmi aluminiuminik niuernerimi atugassarititaasut eqqarsaatigalugit aamma aluminiup appasikannersumik akeqarnera uninngasuuterpasuaqartoqarneralu kiisalu amerlavallaarneri eqqarsaatigalugit suliniutip piviusunngortissinnaanera ilimananngilaq. Naalackersuisut kissaatigaat suliniutip piffissami qanitumi suliniutip naammassineqarsinnaaneranut periarfissat qulaajarneqarnissaat siunertaralugu Alcoamik suleqateqarnerup sivitsorneqarnissaa.

- d) *Suliniutit angisuut allat qanoq ittut ukiuni tulliuuttuni marlunni-pingasuni aallartinneqartussatut ilimagineqarlutik naatsorsuutigineqarpat?*

Akissut: Kuannersuarni Citronen Fjordimilu suliniutit piffissatut taaneqartup iluani aallartinneqarsinnaapput. Isukasiani suliniut aamma piffissatut taaneqartup iluani nutaamik suliarineqarnissaa ilimanarpoq.

- e) *Aningaasaliissutit AI2014-imut sanilliullugu malunnaateqangaatsi-artumik ikilineqassasut siunnersuutigineqarpoq. Tamanna pillugu qanoq paasisutissiisoqarsinnaava?*

Akissut: Naalackersuisoqarfik sipaaruteqarnissamut peqquneqarami. Nalilerneqarpoq kontup ukioq ataaseq appaaffigineqarnek sapissanngikkaa. Pingaaruteqarporli aningaasaliissutit piffissaq ungasinnerusok eqqarsaatigalugu atuutsinneqarnissaat. Ineriartortitsinissamut aningaasaliissutaapput nunami ineriartortitassatut ilippanaataasut atorneqarnissaannut tunngatillugu pinngitsoorneqarsinnaanngitsut.

12.8 Konto pingaarnek 64.13.19 Nuttarneruleersitsiniarluni aningaasaliissutit Aningaasaliissutit uku aqqissuussinertut ataatsimut isigalugu assut pitsaasutut ataatsimiititaliamit isigineqarput, tassami suliffeqarnermi aammalu inuussutissarsiutitigit inerititaqarfusinnaasut nutaat iluini, soorlu aatsitassariornermi nuttarneruleersitsinermut siuarsaatissatut piukkunnarmata, taamaaliornikkullu aningaasaqarnikkut ataatsimut isigalugu inerikkiartornissamut akimmisaarfimmumut ilungersunartorujussuarmut unitsitsissutaasinnaammata.

- a) *Tunniussassat marloriaatinngornissaat suliassami kisitsisini allasimavoq, aningaasaliissutilli amerlaqataannik qaffariaateqarnissaat naatsorsuutigineqarnani. Aqqissuussineq taamaalilluni iluatsilluarmat ataatsimiititaliamit assorsuaq iluarisimaarneqarpoq, tamannali qanoq paasisassaava?*

Akissut: Aningaasaliissutit amerlinerat piffissap ilaani sulisartunik atu-isarnermut atatillugit isigineqassapput. Ulapaarfiup nalaani aalisakerivinni sulisut nuttarsinnaasut sungiussiasullu annertuumik pisariaqartinneqartarput. Piffissap ilaani sulisartut nuttarneruleersinniarlugit aningaasaliissutit inuussutissarsiortunik suleqateqarluni atorneqarnerulernissaat sulissutigineqarpoq. Piffissap ilaani sulisartut nuttarneruleersinniarlugit aningaasaliissuteqarnermi sulisut atorfinikkiartornermut soraarnermullu atatillugit angalanerannut aningaasartuutit matussuserneqassapput, taamaalilluni aningaasartuutit aalajangersimasumik atorfinitsitsinermisut annertutiginnngillat, aalajangersimasumik atorfinitsitsinermi

pisattat nassiunneqarnerat, qinnuteqartumut ilaqutaanullu kiisalu billetsinut aningaasartuutitut tunngassuteqartut aningaasat aamma matussusissavaat. Tassa piffissap ilaani sulisussanik atorfinitsitsinermi aningaasartuutit appasinnerupput, taamaammallu inunmut amerlanerusunut nuttarnersitsiniarluni aningaasaliissuteqartoqarsinnaavoq.

- b) *Aamma missingersuutitut ilanngussami allassimavoq tunniunneqartoq nuunnermut tapiissutitut taaneqarsinnaasoq nuuffimmi najugaqarsinnaaneq uppernarsarneqarsinnaappat. Inissaaleqineq kontop pingaarnerup atornerarneranut qanoq annertutigisumik sunniuteqarnersoq pillugu takutitsisunik Naalackersuisut ilisimasaqarpat?*

Akissut: Pisoqartarsimavoq inissaaleqinerup pingaarutilimmik sunniuteqarfigisimasinnaasaanik, tamanna pingaartumik Nuummumut nuunnermi takuneqartarpoq. Taamaammat inatsisitigut tunngavissat annertusi-neqarnissaat aamma pilersaarutaavoq, tassa qinnuteqartup nammineq inissaminik nassaarsinnaanera periarfissaqartilerlugu, taamaattoq pi-umasagaatigalugu attartugassaq pillugu attartornermut isumaqatigiis-summik atsiortoqassasoq.

- c) *Pissutsit allat konto pingaarnerup matuma annertunerusumik atornerarnissaanut akimmisaarutaasinnaasut Naalackersuisut ilisimasaqarfigaat?*

Akissut: Nunami sumiiffimmi allarni suliffimmik suliffissaaleqisunik qinnuteqartoqarsimasinnaavoq, najukkamili suliffissaaleqisup suliffik isumagisinnaappagu nuttarnersitsiniarluni aningaasaliis-suteqartoqarsinnaanngilaq. Isumaqartoqarporli, najukkami sulisin-naasunik piukkunnartunik atorfinnut inuttaqanngitsunut atuisoqassasoq.

- d) *Sulisinnaasup atorfissaqartinneqarnera qanoq ililluni uppernarsarneqartarpa?*

Akissut: Najukkani suliffissarsiuussisarfiit nalunaaqquneqartarput ator-fimmik isumaginmissinnaasumik najukkami piukkunnaatilimmik su-lisussaqaanngikkaagat.

- e) *Aaqqissuussineq aalisarnermik ingerlatsinerup iluani piffissap ilaan-naani sulisartunit qanoq annertutigisumik atornerartarpa?*

Akissut: Aalisarnermik ingerlatsinerup iluani aaqqissuussinermi periar-fissat piffissap ilaannaani sulisartunit atornerarluarput.

- f) *Nunatsinni suliffeqarnermi nuttarsinnaaneq ataatsimut isigalugu appa-sissoq – konto pingaarneq manna allallu aqqutigalugit - annertusarnia-rlugu Naalackersuit qanoq periarfissaqarsoraat?*

Akissut: Nunatsinni suliffeqarnermi aallaavigineqarsimapput atta-veqaatitigut periarfissat nunallu isorartunerujussua pissutigalugit najuk-kani suliffiit inuttaqanngitsut. Taamaammat suliffissarsiuussisarnermi najukkani periarfissat aamma aallaavigineqartarput. Nuna tamakkerlugu atorfiit pillugit nittartakkap pilersaarusionerqarneratigut nunami ta-marmi suliffiusinnaasut ilisimaneqarnerulissapput, taamalu suliffis-

saaleqisut nunami sumiiffimmut allamut nuukkusussinnaasut periarfissillugit.

g) *Aaqqissuussineq paasisitsiniaanikkut Naalakkersuisut qanoq anner-tutigisumik nittarsaappaat?*

Akissut: 2015/2016-imut nuttarnersitsiniarluni aningaasaliissutissat pillugit paasititsiniaasoqarmissaa sulissutigineqarpoq.

Kommunit allallu periarfissat pillugit ilisimatinneqartuarput.

12.9 Konto pingarneq 64.13.21 Piginnaangorsaaqqinneq

a) *Aningaasaliissutinik atuinerup annertunerunnginneranut kommunit suliassaqarfimmut aningaasanik immikkoortitsisannginnerat tamakkiisumik pissutaasutut oqaatigineqarsinnaava?*

Akissut: Nalilerneqarpoq pissutsit pingasut kommunini piginnaangorsaaqqiilluni qanoq amerlatigisut aallartinneqartarnerannut aalajangiisuusartut:

1. Kommunit piginnaangorsaaqqiinissamut aningaasat immikkoortitaat
2. Suliffeqarfiit naammaginatsumik amerlassusillit piginnaangorsarneqartunut atorneqarsinnaasut
3. Kommunit piginnaangorsaaqqiinissamut suliassanik salliutitsisarneri (sulissusar).

Kommunit suliassamut aningaasanik naammattunik immikkoortitsinngippata sammisassat allat taamaallaat nassuiarneqassapput.

b) *Piginnaangorsaaqqinnerup tunngaviusumik aningaasaqarnera akisussaaffigineqarneralu kommuninut tunniunneqaraluarpat tamanna iluaqutaassasoq Naalakkersuisut isumaqarpat?*

Akissut: Piginnaangorsaaqqinnermut tunngatillugu inatsimmi maanna atuuttumi, Piginnaangorsaaqqiinissamut ikiorsiisarneq pillugu Inatsisartut peqqussutaat nr. 4, 31. maj 2001-imeersumi § 19-imi aningaasalersuineq Aningaasanut Inatsimmit aalajangersarneqartoq eqqaaneqarpoq. Piginnaangorsaaqqiinnermut aningaasaliissutinut aamma suliffeqarfinni piginnaangorsaaqqiinnermut atatillugu pisortat tapiissutaannut tunngatillugit aningaasartuutit aallaqqaammulli kommunit Namminersorlutillu Oqartussat naligiimmik avittarsimavaat.

Naalakkersuisut siunertamut naapertuussorinngilaat piginnaangorsaaqqiinnermut aningaasartuutinik kommunit kisimiillutik aningaasaliissuteqartarnissamut maannakkorpiaq aningaasartuuteqarnerulersinneqarnissaat. Piginnaangorsaaqqiinnermut tamakkiisumik aningaasaliissuteqarnissamut Kommuninut ataatsimoortumik tapiissutit qaffanneqarnerisa qularnarnerulersissavaa aningaasanik pisariaqartinneqartunik immikkoortitsinissaq.

Peqqussummi takuneqarsinnaavoq aaqqissuussamik aqutsinissaq kommunit akisussaaffigigaat.

Uterteqqusilluni piumasagaatitut nassiunneqartut tunngavigalugit Namminersorlutik Oqartussat kommunitut utertitsisarput.

- c) 2013-imi piginnaanngorsarneqartunit 376-iusunit qanoq amerlatigisut (missingerlugu) ullumikkut suliffeqarpat.

Akissut: Inunnit 373-iusunit 2013-imi piginnaanngorsarneqartunit inuit 93-it, 28,4%-inut naapertuuttut, piginnaanngorsaqqinnerup naatsiarnerani aalajangersimasumik suliffeqalerput. Kisitsisit 2014-imi ukiakkut kommunitut pissarsiarineqarput.

12.10 Konto pingaarneq 64.13.23 Piareersarfii

- a) Kontomi pingaarnermi matumani aningaasaliissutit taama annertutigisumik qaffanneqarnissaat pisariaqartutut isigineqarsimammat ataatsimiititaliamit ataatsimut isigalugu ajornartorsiutitaqartutut isigineqarpoq. Ataatsimiititaliaq isumaqarpoq tamatumunnga taarsiullugu atuartut ilinniqaqqinnissaminut piginnaasakitsut ajornartorsiutaanerit anikillisarniarlugu meeqqat atuarfiat sapinngisamik nukittorsarneqartariaqartoq. Aamma ataatsimiititaliaq isumaqarpoq ilinniartitaanerit ilinniartullu ineqarfiisa nukittorsarneqarnerat annertunerusumik aallunneqartariaqartoq, taamaalilluni amerlanerit Piareersarfimmi ingerlatsisimasut ilanngullugit ilinniagaqalersinnaaqullugit. Maannakkorpiaq inissisimaneq ataatsimiititaliamit paasineqarsinnaavoq, ataatsimiititaliarli tunngaviusumik isumaqarpoq sulisinnaasut ullumikkut amerlatigisut piginnaanngorsaataasumik ilinniagaqanngivissut piginnaanngorsarneqarnerat iluatsippat Piareersarfimmut aningaasaliissutit siunissami ikilisinneqartariaqartut. Ilisimasamik atorineqarsinnaasunik, suleriaatsinik atuagarsornikkullu piginnaasanik, inuttut piginnaasanik immikkut ineriartortitsinissamut aammalu ilinnialernissamut inuussutisarsiteqalernissamullu piareersarnissamut kiisalu assigiinngitsutigut isummorsinnaanissamut oqaatsitigullu piginnaasaqalernissamut atuarfimmi atuartitsineq atuartunut piginnaasaqalersitsisussaammat ataatsimiititaliamit eqqaasitsissutigineqassaaq. Atuartut ilinnialernissamut inuussutisarsiteqalernissamullu piareersarneqarnissaannik suliasaq atuarfimmit kivinneqarsinnaanngippat ataatsimiititaliap isuma malillugu atuarfimmi suliniuteqarneq nukittorsarneqartariaqarpoq, Piareersarfimmut aningaasaliissutinik qaffaanani. Tamatumunnga Naalakkersuisut qanoq oqaasissaqarpat?

Akissut: Siunnersuutigineqarpoq konto pingaarnermut aningaasaliissutit nunami inuusuttut suliffissaaleqisut amerliartuinnarannut kiisalu ukiut tamaasa Piareersarfii neqeroortigisartagaannut qinnuteqartopaasuusartunut atorineqassasut. Naalakkersuisut taamaammat Suliasaqartitsiniarnermi periusissiami suliniut nr. 4 aqqutigalugu inuusuttut suliffissaaleqisut malunnaatilimmik ikilineqarnissaat anguniarpaat. Tamatumunnga tunngaviuvoq inuusuttut 29-t inorlugit ukiullit 10 %-iisa suliffissaaleqisuunerat aamma suliffissaaleqisut pillugit kisitsisitigut paasissutissani amerlanerpaajunerat. Inuusuttut suliffissaaleqisut ilinniagaqalersinniarlugit sulilersinniarlugillu sullitanut atuagarsornertaqanngitsumik, suliffimmi sungiusarnermik Piareersarfii neqeroortaat aam-

ma atuagarsornikkut sannginnerusunut sammititamik neqeroorutaat nukittorsarneqassapput.

Meeqqat atuarijanik nalilersuinerup kingulliup takutippaa atuartut 50 %-iisa missaanniittut meeqqat atuarijanit soraarummeeraangamik angusaqarnerluttartut. Efterkolernerup saniatigut Piareersarfiit inuusuttut taakku periarfissatuarivaat soraarummeersimanermut uppernarsaammik pissarsinissamut, tassa inuusuttut ilinniarfiini imaluunniit inuutissarsitutun tunngaviusumik ilinniarfinni ilinniagaqarlutik aallartinniarunik.

Qularutissaanngilaq meeqqat atuarijata arlalippassuuartigut ikorfartorneqarnissaa, tassa amerlanerpaat meeqqat atuarijanni naammaginartumik angusaqarlutik soraarummeertarniassammata. Kommunit, angajoqqaat peqatigiiffillu suleqatigalugit meeqqat atuarijata qaffanneqarnissaa Naalackersuisunit qitiutillugu suliniuteqarfigineqarpoq. Piffissaq qaninnerusoq ungasippallaanngitsorlu eqqarsaatigalugit atuartut hunnorujulikkaat ukiut tamaasa ilinniagaqarnissamik aallartitsinissamut karaktereqaratik meeqqat atuarijanit anisartut Naalackersuisut isiginngitsuusaarsinnaanngilaat. Piffissaq qaninnerusoq eqqarsaatigalugu Piareersarfiit meeqqat atuarijata qaffaseqataanik ilinniaqqinnissamut tunngatillugu suliaqarnerpaasarput. Piffissaq ungasinnerusoq eqqarsaatigalugu periarfissat allat misissoqqissaarneqassapput, taakkununga ilanngullugu inuusuttut sullinniakkat ilaat qitiusumik ilinniarfinni aamma/imaluunniit ilinniarnertuunngorniarfinni piginnaanngorsarneqarsinnaanerat.

Taamaammat isumaqarpugut pisariaqartoq inuusuttunut sullinniakkanut aningaasaliissutit ukiuni aggersuni amerlineqarnissaat, tassa inuusuttorpassuit meeqqat atuarijanni naammaginartumik karakterinik angusisimanngitsut isumagisinnaaniarlugit. Piffissaq qaninnerusoq eqqarsaatigalugu taamatut suliniuteqarneruneq Piareersarfinniitinneqassaaq, piffissarli ungasinnerusoq eqqarsaatigalugu suliniutit arlalinnut sammiveqartinneqartut oqartussaaffeqarfinnut arlalinnut agguanneqarsinnaapput.

Inuusuttorpassuit Piareersarfinniittut paasitinneqarnissaaq aamma inuunertik sumut atussanerlugu paasisaqarnissaaq pisariaqartippaat kiisalu suliap ingerlanerani ilisimasaqarnerulersitsisussamik ilitersorneqartarnissaaq pisariaqartillugu.

- b) *Aaqqissuussaaneq, sulisoqarnej, ingerlatat angusallu eqqarsaatigalugit Piareersarfiit immikkoortoqarfiisa ingerlataannik ataavartumik nalilersuisoqartarnersoq pitsaassutinillu qulakkeerinnittoqartarnersoq paasissutissiisutigineqassasoq ataatsimiittitaliamit kissaatigineqarpoq.* Akissut: Aap, Piareersarfiit immikkoortortaqarfiini kommunit suliaat nalilersorneqartuarput. Ilaatigut soraarummeernermi karakterit Piareersarfiit qitiusumik kisitsisitigut paasissutissiisarfinnut immiussisarne-risigut nalunaarutigisarpaat, tassannga qanoq ingerlasoqarnerseq malinnaaffigisinnaavarput.

2011-2013-imi AEU-mi atuartut ukiuinut suaassusaannullu agguarlugit:

	maj-11	dec-11	maj-12	dec-12	maj-13	dec-13
25-t sinnerlugit ukiullit	27,8%	34,7%	37,0%	35,2%	31,7%	31,3%
18-25-nik ukiullit	63,2%	55,5%	59,7%	50,6%	60,6%	50,8%
18-it inorlugit ukiullit	9,0 %	9,8 %	3,3%	14,2%	7,8%	17,9%
Angutit	41,7 %	37,5 %	38,6 %	49,3%	41,6%	40,7%
Arnat	58,3%	62,5%	61,4%	50,7%	58,4%	59,3%

AEU-mik misilitsinnissamat nalunaarutigineqartut, misilitsinnerit amerlassusaat angusisullu procentii 2011-2013

	maj-11	dec-11	maj-12	dec-12	maj-13	dec-13
AEU-mi atuartussatut nalunaarutigineqartut amerlassusaat	465	299	154	162	464	246
AEU-mik misilitsinnerit amerlassusaat katillugit	1535	707	953	945	3246	1384
AEU-mi angusisut procentii katillugit	84,5%	86,3%	85,4%	86,8%	84,1%	82,6%

Najoqutarisaq: Inuussutissarsiornermut, Suliffeqarnermut Niuernermillu Naalakkersuisoqarfik, 2015

Sammasat angusallu qarasaasiatigut nalunaarsuisarfimmu It-regimut nalunaarutigineqartarput kiisalu angusat karakterinut kisitsisitigut paassutissiisarfimmu allattorneqartarlutik.

Tamakku saniatigut suleqatigiissitat inuusuttut sullinniakkat pillugit ataatsimut nalilersuisussat pilersinneqarput.

- c) *Kommunit Namminersorlutik Oqartussat akornanni naammassisassanik isumaqatigiissutip kingulliup assilineranik nassinneqarnissani ataatsi-miititaliap kissaatigaa?*

Akissut: Kommunit Namminersorlutillu Oqartussat akornanni naammassisassanik isumaqatigiissutip assilineranik ilanngunneqarpoq.

- d) *Piareersarfinnu tunngatillugu Piorsaavik atuuffeqarpa?*

Akissut: Kommuneqarfik Sermersuup atuagarsornertaqanngitsumik sammisassaqtitsisarnini taasarpai Piorsaaviit, aqqissugaanermigut kommunip inuusuttunut neqeroorutigisartakkaminik aqqissuusseqqinneranut atatillugu Piareersarfiit assigalugit 2013-imi ingerlatsivimmu atatinneqalersoq. Inuusuttut Piareersarfiit aqqutigalugit piginnaangorsaataasumik neqeroorutinut assigiinngitsunut innersuunneqartarput, soorlu assersuutigalugit Piorsaavimmi atuarnissaq, AEU, FA imaluunniit suliffimmi sungiusarnissaq.

Kommunini allani atuagarsornertaqanngitsumik sammisassaqtitsiviit assigiinngitsunik taagorneqarput, assersuutigalugu Sisimiunit Nutaaliorfeeraq, Maniitsumi Pilertitsivik aamma Narsami InuSullivik.

e) *Atuagarsornerunngitsumik piginnaangorsarnerup annertuseriarujusuarneranut atatillugu qanoq paasisutissiisoqarsinnaava?*

Akissut: Inuusuttut inuunertik naallugu sulisinnaasut pitsaanerpaamilli atuarfimmi angusaqarsimanngitsut siunnerfigalugit suliniuteqarnerunissaq suliassaqartitsiniarnermi qitiutinneqarpoq.

Atuagarsornertaqanngitsumik piginnaangorsaanerup annertusinera ukununga atorpeqassaaq:

- Atuagarsornertaqanngitsumik ingerlatsineq, assersuutigalugu sannavinnut assigusumik pilersitsilluni suliaqarnej, soorlu Piorsaavik, "Sapinnigilanga – Pisinnaavunga" aamma "Pilersitsivik Asimi". Neqeroorutit assersuutigalugu sannavimmi, igaffimmi aamma/imaluunniit (amernik)mersortarfimmi suliffissanik pilersitsinissamat.
- Suliffimmi sungiusarnej. Naleqqussaanermik tunngaveqarluni inuusuttunik piginnaangorsaaneq, tassa Piareersarfimmi atuarnissamat sulilernissamulluunniit piareersimatilerniarlugit.
- Inuusuttunut atuagarsornikkut sannginnerusunut neqeroorutit. Suliffeqalernissat imaluunniit atuagarsornikkut piginnaangorsarneqarnissamat ikorfartuinissaq siunnerfigalugit immikkut ittumik atuartisisoqarnissamik immikkut neqeroorutit.

Inuusuttorpasuit meeqqat atuarfiannit anisut ima oqimaattorsiortartigipput atuagarsornertalimmik ingerlatsinissamat piareersimasaratik. Ajoraluartumik oqaatigisariaqarparput meeraanermi sumiginnagaasimanerup, assigiinngitsutigut atorerlunneqarsimanerup nassataannik inuusuttorpasuit pissusilersuutimikkut ima ajornartorsiuteqartigipput piffissami sivikinnerusumi sivisunerusumiluunniit piginnaangorsarneqarnissamik pisariaqartitsilersimallutik, piginnaangorsaanerme atuagarsorluni piginnaangorsarneqarnissamat imaluunniit suliffeqalernissamat piareersimalertinnagit inuttut ineriartornissaat qitiutinneqassaaq.

Atuagarsornertaqanngitsumik piginnaangorsaanerme pingaartinneqassapput piffissaq eqqorlugu takkussinnaaneq, allanik peqateqarluni sulisinnaaneq, inuusuttup imminut tatiginerulersinneqarnissaa aamma siunissap pitsaasumik angusaqarfiumissaanut upperinnilersinneqarnissaa.

f) *Atuagarsornerunngitsumik piginnaangorsarnerit pineqartillugit ataatsimiittitaliaq isumaqarpoq højskolit efterskolillu ilinniarfusinnaasut pingaarutillit, eqqaasitsissutigineqartuartariaqarpormi efterskolit tassaammata inuusuttuaqqanut meeqqat atuarfiannit aneqqammersunut naatsorsuussat Piareersarfiillu tassaallutik 18 sinnerlugit ukiulinnut pingaarnertut naatsorsuussat. Ilinniarfiit taakku Naalakkersuisut siunissami pilersaarutaanni qanoq inissisimappat?*

Akissut: Højskolit suliffeqarfiupput namminersortitat, taarnaammat Naalakkersuisut atugassarititaasunik aalajangersimasunik atugassaqartitsinissamik peqqusisinnaanngillat imaluunniit tapiissutinik pissarsissa-

gaanni sullitaqarnissamik piumasqaateqarsinnaanngillat. Naalakkersuisulli højskolit ingerlaavartumik oqaloqatigisarpaat.

Efterskolit, Kalaallit Nunaanniittut Danmarkimiittullu, tapiissutisisarput aningaasanut inatsimmi aalajangersarneqarsimasunik, taamaammat inuusuttut sullinniakkat ikilisaaffigeqataasarpaat. Inuusuttut ilarpassui, ukioqatigiiaat tamaasa ataatsimut isigalugit, efterskolemik naammassisut ilinniagaqarlutik aallartittarput. Matumanili pineqannguatsiarput inuusuttut ukioqatigiiaat efterskolertartut, pingaartumik Danmarkimi, ilinniagaqarnermik aallartitsinissamut pitsaanerpaamik tunngavissaqareersut, taamaammat sullitanut taakkununga tunngatillugu siuariartornermi kisitsisit immikkut isiginagit misissueqqissaarnissamut ator-neqarsinnaapput.

- g) *Piginnaangorsarnernut atuagarsornertaqanngitsunut imaluunniit inuttut piginnaangorsarnermut nukittorsarnermulluunniit sanilliullugu Nunatta Karsia sukkut "aningaasatigut iluanaarnerpaanersoq" Naalakkersuisut nalilerpaat?*

Akissut: Naalakkersuisut nalilerpaat atuagarsornertaqanngitsumik atuagarsornertaqartumilluunniit arlalinnut sammititamik piginnaangorsaal-luni suliaqarnissaq pisariaqartoq. Inuit ataasiakkaat sullinneqarnerat ataasiakkaanut iliuusissatut pilersaarutigisaaq aallaavigalugu pisariaqarpoq.

Piareersarfinnik atuisoqarnerulernissaanik suliniutip tamakkiisumik atuutsinneqalernera piffissaaq qaninnerusoq eqqarsaatigalu pisortat aningaasaqarnerannut pitsaanngitsumik sunniuteqassaaq, piffissarli ungasinnerusoq eqqarsaatigalugu aningaasaliissutit uterteqqinneqassapput, tassa ikiorsiissutissat sipaarneqarnerisigut aamma akileraarutitigut isertitaqarnerulernikkut.

Apeqqummi b)--mi oqaatigineqartutut suleqatigiissitat pilersinneqarput, taakku inuusuttut sullinniakkat pillugit suliniutaasunik ataatsimut nalilersuissapput, nalilersuinerlu aallaavigalugu siunissami suliniutissanik inassuteqaateqassallutik.

12.11 Konto pingaarneq 64.13.25 Suliffissaalegisunut immikkut ittumik iliuuseqarneq

- a) *Kontomi pingaarnermi matumani aningaasaliissutit ukiuni missingersu-usiorfiusuni 0 kr.-nngortinneqartut ataatsimiititaliap oqaatigisari-aqarjaa. Piareersarfiit annertunerusumik siunnerfigineqarnissaanik Naalakkersuisut kissaateqarnerannut tamanna takusutissaava – imaluunniit kontomi pingaarnermi aningaasat kontonut pingaarnernut allanut nunneqarnerannut takusutissaannaava?*

Akissut: Konto pingaarnermut matumunga aningaasaliissutit 2016-imi 0 kr.-mut appartinneqarput, tassa "Suliassaqartitsiniarnermi periusissiaq 2015" nutaap aallartinneqarnissaa Naalakkersuisunit kissaatigineqarmat. Suliassaqartitsiniarnermi periusissiami Piareersarfinni piginnaangorsaaqqinnerup iluani suliniutit annertusineqarput aamma "Piginnaasanik ineriartortitsinermut Pilersaarut (PKU-mik pikkorissarti-

tsinerit)” iluanni pikkorissaasernerit annertusarneqarput. Sammisas-
saqartitsinerit taakku marluusut suliffissaaleqisunut immikkut ittumik
iliuuseqarnermi maannakkorpiag annerpaapput. Tassa pilersaarutaavoq,
suliffissaaleqisunut immikkut ittumik iliuuseqarnermut aningaasaliis-
sutiit Piareersarfiit pillugit konto pingaarnermut 63.13.23-mut aamma
Piginnaasanik ineriartortitsiviusumik pikkorissarnerit pillugit konto
pingaarnermut 64.01.04-mut 2016-imi siunissamilu avinneqassasut.

- b) *Suliffissaaleqisut immikkut ittumik suliniuteqarfigineqarnerannik nali-
liissutip tigusissaa ataatsimiititaliamit qilanaarineqarpoq. Sulini-
uteqarneq aallaavigalugu suliffissaaleqisut ataavartumik suliffeqaler-
sinniarlugit misilittagarigallakkat maanngangaaq paasisutissiissutigi-
neqarnissaat kissaatigineqarpoq.*

Alkissut: 2012-imi 2013-imi suliffissaaleqisut immikkut ittumik suli-
niuteqarfigineqarnerannik nalilersuinerit pigineqarput. Nalilersuinerit
taakku ilanngunneqarput. 2014-imi suliniuteqarnerup nalilersorneqarne-
ra 2015-imi oktoberip qaammataani naammassineqassasoq naatsor-
suutigineqarpoq, tassa kommuninik isumaqatigiissutiit malillugit pikko-
rissarnermut imaluunniit piginnaanngorsaarnermut peqataasimasut ukiup
ataatsip qaangiunnerani peqataasimasut ataasiakkaarlugit uutto-
taasoqartussaammat. Tassunga atatillugu oqaatigineqassaaq nalilersui-
nerit takutissinnaanngimassuk suliffissaaleqisut sulilivissimanersut, tas-
sani misissuineri taamaallaat aallaavigineqartarmata inuk misissuine-
rup nalaani suliffissaaleqisutut nalunaarsorneqarsimasoq pillugu Naatso-
rsueqqissaartarfimmit paasisutissat. Nalunaarusiornermi inuit suliffis-
sarsiuussisarfirmmik suliffissaaleqisutut nalunaarsorneqarsimangitsut
suliffeqartutut imaluunniit ilinniagaqartutut isigineqarput. Taamaammat
nalunaarsukkat qularnartortaqaarsinnaapput, tassa inuit sumi suliffeqar-
nersut imaluunniit sunik ilinniagaqarnerisut pillugit pissarsiarineqarsin-
naasunik takussutissaqanngimmat. Pitsaasutulli isigineqassaaq naatsor-
suinerit taakku takutimassuk, inuit 346-t, pikkorissartut 763-iusut 45
pct.-iinut naapertuuttut, sulianut tunngasutigut pikkorissarneqareerner-
minni imaluunniit paasisaqarnissaq siunertaralugu pikkorissareerner-
minni suliffissaaleqisutut nalunaarsorneqarunnaarsimanagerat (2012-imi
56 pct.-it). 2012-imit 2013-imut procentit apparnerannut pissutaavoq
2012-imi pikkorissartut maj/juni-mi uuttortarneqarnerat, 2013-imi
martsip qaammataani uuttortaasoqarluni. Maajip juunillu qaammataat
aalisarnermi ulapaarfiunerpaasarput, taamaalilluni suliassaqartitsinia-
rneq tamarmiusoq annertuumik nikingasoqalersinnaasarpoq. Tamatuma
kingorna aalajangiunneqarpoq martsip qaammataani suliffissaaleqisut
uuttortarneqartassasut, tassa piffissap ilaani suliassat nikerarnerusarnerat
uuttortaanermi pinngitsoorniarlugu.

Immikkut ittumik suliffissaaleqisunut suliniuteqarnerup 2012-imi aallar-
tinneqarneranili pikkorissaanerit pikkorissartullu amerlassusaat
eqqarsaatigalugit pitsaasumik ingerlasoqartoq takusinnaavarput, tassa
pikkorissarneqartut suliffissaaleqisutut nalunaarsorneqarunnaarsimam-
mata, taamalu naatsorsuutigineqarluni amerlanerpaat sulilersimangik-

kunik ilinniagaqarlutik aallartissimassasut. Uku suliniutissatut negeroorutigineqarput: Sulianut tunngasutigut pikkorissaanissat, Paasisaqarnissaq siunertaralugu pikkorissaanissat, Piginnaanngorsaanissat, Suliffimmi sungiusaanissamik Sannavimmilu suliniutit.

Pikkorissaanerit qitiusumik ilinniarfinnit Piareersarfiillu immikkoortorta qarfiinit isumagineqassapput, ilinniarfitsinerlu atuarfinni ilinniarfitsisunit aamma pikkorissaanissap imai apeqqutaatillugit ilinniarfitsisunit avataaneersunit ingerlanneqassaaq. Pikkorissaanerit Qitiusumik ilinniarfinnit ingerlanneqartartut inuit sulileriaannaallutik suliffissaaleqisut suliaqarfiilli aalajangersimasut iluini piginnaasaqanngitsut siunnerfigalugit sulianut tunngasutigut pikkorissaaneruserput. Inuit taakku pineqartut nalinginnaasumik 30-t sinnerlugit ukioqartarput. Paasisaqarnissaq siunertaralugu pikkorissaasamerit innuttaasunut sulileriaannaanngitsunut aamma/imaluunniit ilinnialeriaannaanngitsunut sammititaapput. Pikkorissaasarnerni taakkunani siunertaavoq inuit ataasiakkaat sulilernissamut imaluunniit ilinniakkamik aallartitsinissamut kajumissuseqalersinissaat.

Inuusuttunut 30-t inorlugit ukiulinnut tunngatillugu anguniagaavoq, taakku ilarpassuisa piginnaanngorsarneqarneq aqputigalugu ilinniakkamik aallartitsisinnaanngortinneqarnissaat, tassani siullertut Piareersarfiit immikkoortorta qarfiini atuagarsormik aallartitsisoqartarpoq, tassa inuit pineqartut meeqqat atuarfianni soraarummeernerminni karakteriisa appasippallaartarnerat aamma/imaluunniit amigaaqarpallaartarnerat pissutigalugit. Piareersarfiit immikkoortorta qarfiini angusaqarfiusumik atuarneq ilinniagaqalernissaq siunertaralugu qitiusumik ilinniarfinni tiguneqarnissamut periarfissiisarpoq. Piareersarfinni piginnaanngorsaqinneqareerlutik inuit 131-t, inuit piginnaanngorsarneqartut 230-usut 57 pct.-iinut naapertuuttut piginnaanngorsarneqarneq ingerlatinnaarpaat imaluunniit ilinniagaqalersimapput.

12.12 Konto pingaarneq 64.13.26 Suliffik.gl

a) Aaqqissuussinermi tassani kikkut siunnerfigineqarpat?

Akissut: Aaqqissuussinermi tassani sullinniakkat siammassupilusupput. Nuna tamakkerlugu Atorfiit pillugit nittartagaavoq akeqanngitsaq, taamaammallu ilinniartoqarfinni tamani kikkunnit tamanit ator-neqarsinnaalluni. Tassa nunami suliffiit inuttaqanngitsut tamanut saqqummiunneqartarput, taamalu sumiiffimmi najugaqarfigisap avataani kalaallit sulisinnaasut atorfinni atorfeqalersinnaanermut periarfissineqartarlutik.

Suliffissaaleqisunut eqimattakuutaanut tulluarsakkanut 1-imiittunut piffissaq ungasinnerusoq eqqarsaatigalugu piumasaqaataassaaq CV-mik takutitsisarnissaat, tassa piffissap suliffissaaleqiffiusup sivikillisinnaanngortinniarlugu.

Aamma sulisitsisunut piumasaqaataassaaq, avataanit sulisussarsiortoqartinnagu Atorfiit pillugit nittartakkami atorfimmuut inuttassarsiuussisar-

nissaat, tassa kalaallit piukkunnaatillit atorfirmut qinnuteqarnissamut periarfissillugit.

- b) *Internetikkut isertarfik suliffissanik inuttalersuineranut atatillugu qanoq annertutigisumik atorneqassanganneqarpa?*

Akissut: Naatsorsuutigineqarpoq Kalaallit Nunaanni sulisitsisut sulisusarsiornerminni CV-mut qarasaasiakkut paasissutissiisarfirmi namminneq ujaasinissamut sakkussaqaalissasut, tamanna ilutigalugu suliffissaaleqisut nunami atorfinnik inuttaqanngitsunik tamakkiinerusumik takunnissinnaalersinneqassapput.

- c) *Sulisinnaasut munaqavissut akornanni nuttartoqannginnera atorfiit inuttassarsiukkat ingerlateqqinneqartannginnerannik qanoq annertutigisumik pissuteqartut Naalakkersuisunit isigineqarpa?*

Akissut: Attaveqaatitigut unammilligassat aamma najukkani najugaqartunut akisussaaffeqarneq pissutigalugit atorfiit inuttaqanngitsut sapinnigisamik najukkami sulisinnaasumik inuttalerneqartarput. Kisitsisitigulli paasissutissani takuneqarsinnaavoq sulisunik avataaneersunik atuineq annertusiartortoq, nunami taamatut suliffissaaleqisoqartillugu siunertamut naapertuutissaaq sulisinnaasortavut atorfinnik taakkunannga isumaginnittussanngorlugit nuttartinneqarnissaat.

- d) *Suliffigikgl.ip eqqunneqarnerata kommunini suliffissarsiuussisarneq qanoq sunnissavaa?*

Akissut: Atorfiit pilugit nittartakkap piffissaq ungasinnerusq eqqarsaatigalugu kommunini suliffissarsiuussisarneq oqilisaaffigissavaa, tassa suliffissaaleqisut atorfiit pillugit nittartakkakkut namminneerlutik tamakkiisumik takunnissinnaassammata aamma paasissutissanik suliffissanillu ujarlersinnaassammata. Piffissaq ungasinnerusq eqqarsaatigalugu sulissutigineqarpoq suliffissaaleqisut ullumimit allaanerusumik suliffissaaleqisutut "naqitsisinnaalernissaat", ullumikkut tamanna piffisartornarpoq aamma sulisoqarnissamik pisariaqartitsisumik suliasaqarnarpoq.

- e) *Suliffissaaleqisunut suliffissarsiornissamik aammalu suliffeqarnermut attuumassuteqalernissamut tamatumalu attatiinnarnissaanut eqeersimaartumik peqataanissamut piumasaaqatit annertusarniarlugit ullumikkut iliuutsinut suliffik.gl ikorfartuutitut isigineqarsinnaava?*

Akissut: Aap, suliffissaaleqisut namminneerlutik suliamut peqataanerunerat aqutigalugu suliffeqarnermut attuumassuteqarnerulertoqarsinnaavoq.

Inussiarnersumik inuulluaqqusillunga
Med venlig hilsen